

Bwrdd Iechyd Prifysgol Betsi Cadwaladr (BIPBC)
Cofnodion drafft cyfarfod y Bwrdd Iechyd a gynhaliwyd yn gyhoeddus
ar 30 Mawrth 2023 yn Venue Cymru

Aelodau'r Bwrdd yn Bresennol:

Enw	Teitl
Dyfed Edwards	Cadeirydd
Karen Balmer	Aelod Annibynnol
Clare Budden	Aelod Cyswllt
Mandy Jones	Dirprwy Gyfarwyddwr Nyrsio a Bydwreigiaeth
Molly Marcu	Ysgrifennydd y Bwrdd Dros Dro
Dr Nick Lyons	Cyfarwyddwr Gweithredol Meddygol / Dirprwy Brif Weithredwr
Teresa Owen	Cyfarwyddwyr Gweithredol Iechyd y Cyhoedd
Fôn Roberts	Aelod Cyswllt
Chris Stockport	Cyfarwyddwr Gweithredol Trawsnewid a Chynllunio
Steve Webster	Cyfarwyddwr Gweithredol Cyllid Dros Dro
Rhian Watcyn-Jones	Aelod Annibynnol
Gareth Williams	Aelod Annibynnol
Jane Wild	Aelod Cyswllt a Chadeirydd y Fforwm Gweithwyr Gofal Iechyd Proffesiynol

Hefyd yn bresennol:

Nick Graham	Cyfarwyddwr Cyswllt Cynllunio'r Gweithlu a Pherfformiad
Lowri Gwyn	Cyfieithu
Matthew Joyes	Dirprwy Gyfarwyddwr Cyswllt Dros Dro Ansawdd, Diogelwch a Phrofiad Cleifion
Dylan Roberts	Prif Swyddog Gwybodaeth Ddigidol
David Seabrooke	Pennaeth Cynorthwyol Interim Llywodraethu Corfforaethol
Helen Stevens-Jones	Cyfarwyddwr Partneriaethau ac Ymgysylltu â Rhanddeiliaid
Philippa Peake Jones	Pennaeth Materion Corfforaethol
David Jenkins	Cynghorydd Arbennig



Eitem ar yr Agenda	Cam gweithredu
MATERION AGORIADOL	
23/54 Gair o groeso, cyflwyniadau ac ymddiheuriadau am absenoldeb 23/54.1 Fe wnaeth y Cadeirydd atgoffa'r Bwrdd fod croeso i bawb gyfrannu yn Gymraeg neu yn Saesneg. 23/54.2 Derbyniwyd ymddiheuriadau gan: Gill Harries, Prif Weithredwr Dros Dro Gareth Evans, Cyfarwyddwr Gweithredol Dros Dro Therapiau a Gwyddor Iechyd Jason Brennan, Dirprwy Gyfarwyddwr y Gweithlu a Chyfarwyddwr Gweithrediadau Angela Wood, Cyfarwyddwr Gweithredol Nyrsio a Bydwreigiaeth	
23/55 Adroddiad y Cadeirydd – Dyfed Edwards 23/55.01 Dywedodd y Cadeirydd mai hwn oedd cyfarfod cyntaf y bwrdd ers i Lywodraeth Cymru wedi rhoi'r Bwrdd Iechyd mewn mesurau arbennig. Pan oedd wedi derbyn y sefyllfa, cydnabu fod llawer iawn o waith ar y gweill i fynd i'r afael â'r materion a nodwyd. Dywedodd ei fod yn benderfynol o fynd i'r afael â hyn gydag egni a phenderfyniad ynghyd â chefnogaeth, parch a charedigrwydd gydag eglurder ynghylch disgwyliadau. Byddai'r holl gamau gweithredu a gymerir yn canolbwyntio ar iechyd a lles pobl Gogledd Cymru. Credai ei bod yn bwysig nodi'r egwyddorion y byddai'r daith tuag at welliant yn seiliedig arnynt. 23/55.02 Ers ei benodi, cafodd y Cadeirydd gyfle i gwrdd â nifer o bobl ar draws y sefydliad o Fangor i Wrecsam a dywedodd fod gweithlu ymroddedig yn mynd yr ail filltir ac yn falch o fod yn rhan o Betsi Cadwaladr.	
23/56 Datganiadau o fuddiant ar yr agenda gyfredol Datganodd yr Aelod Cyswllt, Clare Budden, fuddiant anfasnachol yn eitem Pen y Berth. Datganodd y Cadeirydd ei fuddiant yn eitem Canolfan Bro Lleu fel defnyddiwr gwasanaethau iechyd Dyffryn Nantlle, Gwynedd.	
23/57 Cofnodion Drafft cyfarfod y Bwrdd Iechyd a gynhaliwyd yn gyhoeddus ar 26 Ionawr 2023, er cywirdeb	



23/57.01 Cafodd cofnodion drafft y Bwrdd Iechyd a gynhaliwyd ar 26 Ionawr 2023 eu derbyn a chytunwyd arnynt fel cofnod cywir, yn amodol ar y diwygiad ynghylch enw a theitl Clare Budden (Aelod Cyswllt) ac i nodi mai Jane Wild yw cadeirydd y Fforwm Gweithwyr Gofal Iechyd Proffesiynol. 23/57.02 Mewn perthynas â'r Grŵp Rheoli Risg, nodwyd bod hyn wedi cael ei roi o'r neilltu yn ystod y gweithredu diwydiannol yn gynharach yn 2023 ond bod cyfarfodydd wedi aildddechrau gan gynnwys cyfarfod ychwanegol o'r Grŵp Rheoli Risg Eithriadol ym mis Mai 2023.	
23/58 Materion yn Codi a Chofnod Cryno o'r Camau Gweithredu 23/58.01 Adolygodd y Bwrdd y cofnod gweithredu. Awgrymwyd na ddylid nodi bod camau gweithredu wedi'u cau nes bod y Bwrdd wedi derbyn hysbysiad llawn o'u cwblhau.	
23/59 Stori'r Claf 23/59.01 Cyflwynodd y Dirprwy Gyfarwyddwr Cyswllt Ansawdd (DDQ) stori'r claf. 23/59.2 Rhannodd Antoni ei brofiad fel claf a gafodd gynnig y cyfle i gymryd rhan yn y Gwasanaeth Rhagsefydlu newydd yn Ysbyty Maelor Wrecsam. Rhannodd Antoni ei brofiad o ddefnyddio'r gwasanaeth hwn ac anogodd unrhyw gleifion sy'n cael eu hunain mewn sefyllfa debyg i "fachu ar y cyfle a mynd amdani" i helpu i gael gwell siâp. 23/59.03 Nodwyd bod ystod eang o fanteision i'r Gwasanaeth Cynsefydlu, gan gynnwys bod o fudd i adferiad y claf. Roedd gwasanaethau'n ystyried ac yn datblygu'r ffordd orau o ddarparu'r gwasanaeth. Nodwyd bod cynnal cyfathrebu yn hollbwysig fel nad yw cleifion yn teimlo eu bod yn cael eu gadael yn ystod y cyfnod o aros am eu triniaeth. Ar y cam hwn, roedd yn rhaglen beilot a oedd wedi'i chyfyngu i nifer fach o ardaloedd ac roedd y gwaith o'i chyflwyno ymhellach yn cael ei ystyried. 23/59.04 Darparodd y DDQ ragor o wybodaeth am nifer y cleifion sy'n elwa o'r rhaglen hon. [Nodyn ar ôl y cyfarfod: Ym mis Ebrill 2022, roedd 249 o gleifion wedi elwa o'r gwasanaeth hwn] Gofynnwyd hefyd i stori'r staff gael ei chynnwys yn y dyfodol. Penderfynwyd y dylid derbyn stori'r claf.	



23/60 Adroddiad y Prif Weithredwr Dros Dro

23/60.1 Derbyniodd y Bwrdd yr adroddiad a oedd yn cynnwys y prif bwyntiau canlynol a gwahoddodd y Cadeirydd y Dirprwy Brif Swyddog Gweithredol i'w gyflwyno.

23/60.2 Tynnodd y DBSG sylw at y canlynol:

- Yn syth ar ôl ei benodi, mae'r Cadeirydd a'r DBSG wedi ymweld ag amrywiol safleoedd ar draws y Bwrdd Iechyd i gwrdd â staff, i bwysleisio ein gwerthfawrogiad o'r gwaith maent yn ei wneud ac i fynd i'r afael â phryderon a allai fod ganddynt ynghylch goblygiadau Mesurau Arbennig. Mae'r ymweliadau hyn wedi cael derbyniad cadarnhaol ac mae'r staff wedi bod yn ymgysylltu ac yn agored wrth rannu eu barn. Byddwn yn parhau i adeiladu ar yr ymgysylltu hwn â staff dros yr wythnosau a'r misoedd nesaf.
- Mewn cyhoeddiad diweddar, cadarnhaodd Ambiwylans Awyr Cymru eu bod bellach wedi adnewyddu eu contract hedfan a bod hyn wedi sicrhau bod gwasanaethau'n cael eu darparu o'r Trallwng a Chaernarfon, tan o leiaf 2026. Mae yna hefyd gynnig i uno canolfan y Trallwng â chanolfan gogledd Cymru i greu un adnodd ar gyfer gogledd Cymru.
- Gwella gofal wedi'i gynllunio – ymddiheurodd i'r teuluoedd hynny sy'n dal i aros am driniaeth a dywedodd ein bod yn edrych ar sut rydym yn darparu gofal yn wahanol ac yn ymgysylltu â'r boblogaeth yn hyn o beth.
- Diolchodd i'r Cyngor Iechyd Cymuned sy'n dod i ben yfory ac edrychai ymlaen at weithio gyda'r corff newydd, Llais.
- Gweithredu diwydiannol – diolchodd i'r staff am yr hyn sydd wedi bod yn gyfnod anodd iawn ac ymddiheurodd i gleifion a theuluoedd y mae eu gofal wedi'i ganslo. Yng ngoleuni'r uchod, mae'r Bwrdd Iechyd yn parhau i fod yn barod i ymateb i gamau diwydiannol pellach posibl.
- Diolchwyd i'r gwasanaeth Profi, Orlhain a Diogelu (TTP) a oedd yn enghraifft wych o sut gall y Bwrdd Iechyd weithredu gwasanaeth o ddydd i ddydd a gweithio'n agos gyda'r awdurdodau lleol. Bydd y gwasanaeth hwn yn cael ei ddiddymu ddiwedd mis Mawrth a bydd Gwasanaeth Diogelu Iechyd newydd yn cael ei sefydlu i gynnal rhai o'r manteision allweddol a gynigir gan Profi, Orlhain, Diogelu ond i'w rhoi mewn Gwasanaeth Diogelu Iechyd ehangach.

Derbyniodd y Bwrdd yr adroddiad.



23/62 Effeithiolrwydd y Bwrdd – Archwilio Cymru 23/62.01 Derbyniodd y Bwrdd adroddiad ategol a baratowyd gan Ysgrifennydd y Bwrdd Dros Dro yn crynhoi'r sefyllfa hyd yma ynghylch yr adroddiad gan Archwilio Cymru. Derbyniodd y bwrdd yr adroddiad Archwilio Cymru a gyhoeddwyd yn llawn a galwodd y Cadeirydd ar Andrew Doughton a Matt Edwards o Archwilio Cymru i ymdrin â'r adroddiad. 23/62.02 Nodwyd bod rhywfaint o'r manylion y cyfeirir atynt yn adroddiad Archwilio Cymru yn aros yn sensitif ac yn gyfrinachol. Roedd yr adolygiad wedi cael ei gynnal oherwydd y pryderon a oedd yn deillio o'r archwiliad o Gyfrifon Blynnyddol 2021/22. Roedd y gwaith cychwynnol ar yr asesiad strwythuredig blynnyddol wedi codi pryderon a arweiniodd at gomisiynu adolygiad o effeithiolrwydd y bwrdd. 23/62.03 Roedd yr adroddiad yn nodi perthnasau sy'n dirywio, gan gynnwys rhaniadau dwfn yn y tîm gweithredol a phryderon ynghylch ansawdd y sicrwydd a ddarperir gan y weithrediaeth i'r bwrdd. Cafwyd beirniadaeth heriol gan y cyn-aelodau annibynnol. Roedd y gallu i weithio'n gydlynol yn cael ei danseilio. Roedd gwahaniaethau o ran archwaeth risg. Roedd ansawdd y papurau a gyflwynwyd i'r bwrdd yn amrywio er bod gweinyddiaeth y cyfarfodydd o ddydd i ddydd yn dderbyniol. Nid oedd y gweithgaredd datblygu wedi llwyddo i fynd i'r afael â'r materion. Roedd llawer o ddibyniaeth ar benodiadau dros dro. Roedd angen amrywiaeth o gamau gweithredu tymor byr a thymor canolig i fynd i'r afael â'r materion a godwyd. 23/62.04 Diolchodd y Cadeirydd i Archwilio Cymru am yr adroddiad ac edrychodd ymlaen at weithio gyda nhw dros y misoedd nesaf i fynd i'r afael â'r materion a godwyd.	
23/63 Adroddiad Mesurau Arbennig 23/63.01 Derbyniodd y Bwrdd yr adroddiad gan y DBSG yn nodi'r rhesymeg dros uwchgyfeirio'r Bwrdd Iechyd i Fesurau Arbennig, y fframwaith arfaethedig a'r blaenoriaethau ar gyfer gweithredu. 23/63.02 Croesawodd y Cadeirydd Jeremy Griffiths ac Olivia Shorrocks o Lywodraeth Cymru i gyflwyno eu hadroddiad. 23/63.03 Cydnabuwyd bod gan y Bwrdd Iechyd lawer o bethau da yn digwydd a bod staff yn darparu gofal da i gleifion. Fodd bynnag, Mesurau Arbennig oedd yr ymyriad uchaf yn y fframwaith uwchgyfeirio; y ffocws oeddd gwneud gwelliannau mewn meysydd penodol fel y rhai a amlygwyd yn adroddiad Archwilio Cymru (fel	

y cyfeirir ato uchod. Nodwyd y byddai meini prawf ymadael ar gyfer Mesurau Arbennig yn cael eu datblygu ac, os byddai angen, y byddai rhagor o gynghorwyr arbennig yn cael eu penodi. Pwysleisiwyd nad oedd Llywodraeth Cymru yn rhedeg y bwrdd iechyd. Byddai fframwaith atebolrwydd ac adroddiadau cynnydd rheolaidd.

23/63.04 Roedd tri cham wedi'u nodi yn y fframwaith – sefydlogi, safoni a chynaliadwyedd, a nodwyd. Sefydlogi fyddai'r ffocws dros chwe mis neu naw mis cyntaf y Mesurau Arbennig.

23/63.05 Nodwyd nad oedd Mesurau Arbennig yn effeithio ar ddyletswyddau statudol y Bwrdd Iechyd ond roedd yn caniatáu i Lywodraeth Cymru gynnig cymorth yn y manau iawn ac y byddai ymreolaeth yn cael ei hennill drwy lacio'r cyfyngiadau.

23/63.06 Ychwanegodd Olivia Shorrocks fod Llywodraeth Cymru wedi rhoi'r Bwrdd Iechyd cyfan mewn Mesurau Arbennig. Nid oedd yr her o ddod at ei gilydd fel un sefydliad wedi cael sylw ac roedd materion sylweddol yn peri pryder.

23/63.07 Nid oedd Llywodraeth Cymru wedi gweld cyflymder yn y newid o ran rheolaeth ariannol, gwasanaethau fasgwlaidd, wroleg, iechyd meddwl a gofal brys. Nid oedd y rhaglen adfer wedi cael sylw.

23/63.08 Diolchodd y Cadeirydd i gynrychiolwyr Llywodraeth Cymru am y diweddariad ac fel bwrdd unedol cydnabu y byddai'r sefydliad yn cymryd perchnogaeth dros y materion a gyflwynwyd. Pwysleisiodd eto ein bod i gyd ar yr un ochr yn yr angen i sicrhau'r gwasanaeth iechyd gorau posibl i Ogledd Cymru.

23/63.09 Dywedodd y Cadeirydd y byddai'r Bwrdd Iechyd, fel bwrdd unedol, yn cymryd perchnogaeth ar y rhaglen Mesurau Arbennig. Mae gan bob un ohonom ran i'w chwara o ran gwella pethau a byddai angen i ni gyfathrebu â'r holl staff ar draws y sefydliad ac i ymgysylltu'n effeithiol â nhw. Mae gennym 19,000 o arweinwyr a chyfle gwych i wneud gwahaniaeth ac mae angen sicrhau'r gwasanaeth iechyd gorau posibl ar gyfer y maes hwn.

23/63.10 Ychwanegodd yr Aelod Annibynnol, Gareth Williams, fod llywodraethu a diwylliant mewnol y Bwrdd Iechyd yn dod i'r amlwg fel agweddau pwysig ar y gwaith sydd i'w wneud. Cydnabuwyd mewn perthynas â chwestiwn gan yr Aelod Cyswllt, Clare Budden, y byddai newid diwylliant yn cymryd mwy o amser na'r cyfnod chwe mis a nodwyd. Byddai'r Arolwg Staff a mesurau eraill yn feincnod pwysig i ddiffinio cynnydd. Ychwanegodd y Cyfarwyddwr Partneriaethau ac Ymgysylltu â Rhanddeiliaid y bydd y rhaglen waith Mewn Undod Mae Nerth yn ddefnyddiol i gefnogi darparu rhagor o adborth.

23/63.11 Croesawodd y DBSG y mesurau arbennig a phwysleisiodd ymrwymiad y Bwrdd wrth ymateb. Nodwyd bod arweinwyr gweithredol wedi eu hadnabod ar gyfer pob un o'r meysydd yn y fframwaith.	
ANSAWDD A DIOGELWCH	
23/64 Adroddiad Perfformiad Integredig 23/64.01 Cafodd y Bwrdd yr Adroddiad Perfformiad Integredig. Nododd y Cyfarwyddwr Cyllid Dros Dro (IDF) ei fod yn canolbwyntio ar nifer o feysydd perfformiad anffafriol gyda rhywfaint o wybodaeth feincnodi yn cael ei darparu. Croesawodd y Cadeirydd y Cyfarwyddwr Perfformiad Dros Dro (IDP) i roi sylw i'r adroddiad. 23/64.02 Nodwyd y prif bwyntiau canlynol: • Gofal wedi'i gynllunio: ni fyddwn yn cyrraedd targed Llywodraeth Cymru ar gyfer eleni, ond gallwn gadarnhau bod y trywydd yn gwella ychydig. Mae tua 4,000 o gleifion yn aros mwy na thair blynedd o hyd. Mae rhestrau aros yn dal i dyfu ac mae angen i ni ddeall maint yr her • Gofal heb ei drefnu – y perfformiad ym mis Chwefror 2023 yn erbyn y targed A&E 4 awr oedd 72% am y tro cyntaf mewn dwy flynedd (dros 70%). Mae trosglwyddiadau ambiwlans dros 12 awr yn parhau ar lefelau uchel, gyda 2,064 yn cael eu hadrodd ym mis Chwefror 2023. • Mae'r arosiadau diagnostig wedi aros ar yr un lefel ag yr oeddent ar ddechrau'r flwyddyn • Apwyntiad dilynol i gleifion allanol – mae gennym raglen drawsnewid i gefnogi 77,000 o gleifion sydd 100% wedi mynd heibio eu dyddiadau. • Offthalmoleg – Canran yr apwyntiadau offthalmoleg a fynychwyd a oedd o fewn eu dyddiad targed clinigol neu o fewn 25% y tu hwnt i'w dyddiad targed clinigol ar gyfer mis Chwefror 2023 yw 50.6% o'i gymharu â tharged cenedlaethol o 95%. Y perfformiad uchaf yn ystod y flwyddyn oedd 54.5% ym mis Awst 2022. Mae ailgynllunio llwybrau cleifion presennol ac allanoli gweithgarwch yn gamau sy'n cael eu cymryd i liniaru risg glinigol.	



- Iechyd Meddwl – CAMHS, bydd y cyfnod aros am yr apwyntiad cyntaf yn dod yn ôl i'r targed ym mis Mawrth, ond mae heriau o hyd o ran recriwtio staff.

23/64.03 Mewn perthynas â chwestiwn gan yr Aelod Annibynnol, dywedodd Rhian Watcyn Jones, yr IDF fod ystod o Gyfyngiadau'n effeithio ar y gwasanaethau, gyda rhai ohonynt yn broblemau cronig o ran recriwtio staff, rhai ohonynt yn ymwneud â'r ystâd. Awgrymodd fod angen mynd i'r afael â hyn ar lefel gwasanaeth ac y gallai elwa o edrych yn fanwl ar feysydd unigol.

Gwnaed pwyntiau pellach fel a ganlyn:

- Roedd yn bwysig sicrhau bod rheolwyr gwasanaeth i gyd yn canolbwyntio ar y dangosyddion yr oedd y cyfarwyddwr perfformiad yn canolbwyntio arnynt.
- Byddai Fframwaith Sicrwydd y Bwrdd yn cael ei ddiweddarar ar gyfer y flwyddyn ariannol newydd i adlewyrchu'r pwysau sy'n cael eu disgrifio yma.
- Roedd pryder ynghylch asesiadau niwroddatblygiad plant, gan gynnwys teuluoedd a oedd wedi mynd i ddyled drwy fynd yn breifat ar gyfer ymgynghoriadau cychwynnol.
- Mynegodd y DBSG ei bryder mai cleifion go iawn a phobl go iawn oedd y tu ôl i'r niferoedd a'r siartiau.

23/64.04 Rhoddodd y Cadeirydd grynodedb o'r ffaith bod gennym waith i fapio mesurau arbennig sy'n canolbwyntio ar berfformiad – llywodraethu a nodi beth sydd angen sylw manwl penodol. Beth bynnag sydd ei angen – mae angen yr eglurder arnom – rhoi llawer o egni i adnabod y materion dan sylw. Roedd angen i'r Bwrdd Iechyd ganolbwyntio ar ble rydyn ni a ble rydyn ni eisiau cyrraedd a sut byddwn ni'n cyrraedd gyda'n gilydd.

23/64 Adroddiad ar Ansawdd a Diogelwch Cleifion

23/64.01 Derbyniodd y Bwrdd yr adroddiad gan y Cyfarwyddwr Gweithredol Nyrsio a Bydwreigiaeth a galwodd y Cadeirydd ar y Dirprwy Gyfarwyddwr Nyrsio a Bydwreigiaeth i gyflwyno adroddiad atodol yn darparu gwybodaeth am achosion a datblygiadau diweddar.

23/64.02 Nodwyd bod sicrwydd rhannol o ganlyniad i ddysgu a gwella parhaus fel y nodir ar y BAF. Mae hyn yn cael sylw drwy'r rhaglen gwella diogelwch cleifion a'r strategaeth ansawdd sy'n cael ei chwblhau. Rhoddir gwybodaeth fanwl i'r Pwyllgor Ansawdd, Diogelwch a Phrofiad ac adroddiad ar brofiad cleifion



23/64.03 Mae digwyddiadau sy'n adroddadwy yn genedlaethol yn aros yn gyson, themâu cyffredinol - briwiau pwysu, codymau a chydabod cleifion sy'n dirywio. O ran diogelwch llawfeddygol, mae digwyddiadau byth wedi lleihau gan fod gwaith sylweddol wedi'i wneud ynghylch rhestr wirio Sefydliad Iechyd y Byd. Mae nifer yr adroddiadau am ddigwyddiadau hwyr, gan gynnwys cwynion, yn sylweddol is na'r disgwyl – mae'r adroddiad yn tynnu sylw at yr hyn sy'n cael ei wneud i wella. Mae un rhybudd diogelwch wedi cau erbyn hyn.

23/64.04 Roedd cryn bryder ynghylch dysgu system a gwreiddio hynny a'i gynnal. Ein blaenoriaeth yw sicrhau bod systemau ar waith a bod staff yn gallu gwneud y peth iawn yn gyson.

23/64.05 O ran digwyddiadau sy'n adroddadwy yn genedlaethol, nodwyd bod 74 yn agored a 40 yn hwyr a holwyd am ddifrifoldeb hyn. Mae rhai'n hwyr iawn, ond byddent yn cael eu cwblhau erbyn Awst (ar wahân i ddau) gyda nifer sylweddol wedi'u cwblhau erbyn diwedd mis Ebrill.

23/65 Adroddiad Fasgwlaidd

23/65.01 Derbyniodd y Bwrdd adroddiad gan y Cyfarwyddwr Meddygol (MD) yn rhoi'r wybodaeth ddiweddaraf i'r Bwrdd am y cynnydd o ran gwella cynaliadwyedd, ansawdd a phrofiad o'r Gwasanaeth Fasgwlaidd a disgrifio'r gwaith gwella drwy ddatblygu llwybrau penodol ar gyfer cyflyrau allweddol, a'r gwaith trawsnewid tymor hwy. Mae llawer o'r materion sy'n berthnasol i wasanaethau fasgwlaidd yn berthnasol i feysydd eraill yn y sefydliad.

23/65.02 Gwahoddodd y Cadeirydd Dr Tom Davis, Cyfarwyddwr Meddygol Dros Dro ar gyfer yr IHC Canolog, i ymdrin â'r adroddiad, a atgoffodd y Bwrdd bod nifer o adolygiadau wedi cael eu cynnal gan gynnwys yr Adroddiad Ansawdd Fasgwlaidd ac adolygiad o lwybrau clinigol fel rheoli coesau isgemig. Roedd gwaith timau amlddisgyblaethol yn parhau i gael ei gefnogi gan Stoke a Lerpwl ac maent yn rhoi lefel o sicrwydd i'n cleifion.

23/65.03 Nodwyd bod Adroddiad y Gofrestr Fasgwlaidd Genedlaethol yn bwysig ac yn fwy felly wrth i ni symud ymlaen, oherwydd bydd angen i ni ddefnyddio ein meincnodi lle mae meysydd o berfformiad da.

23/65.04 Gofynnodd yr Aelod Annibynnol, Karen Balmer, am sut y cafodd adroddiad gyda 77 o argymhellion ei flaenoriaethu a'i ddatblygu. Gofynnodd yr Aelod Annibynnol, Gareth Williams, a yw'r ymgynghorydd meddygol deul sy'n gweithredu y tu allan i oriau yn dal ar waith?

23/65.05 Cadarnhaodd y Rheolwr-Gyfarwyddwr nad gweithredu ymgynghorydd meddygol deuol oedd yr arfer yn hanesyddol ym mhob rhwydwaith fasgwlaidd yn y DU, ond rydym wedi cymryd hynny fel y drefn arferol ar gyfer pob achos dewisol yn ystod y dydd, ond mae hyn bellach wedi newid yn dilyn asesiad risg. Cydnabuwyd cyfyngiadau data'r Gofrestrfa Fasgwlaidd Genedlaethol.	
23/66 Cynllun Llesiant Sir y Fflint a Wreccsam 23/66.01 Derbyniodd y Bwrdd adroddiad gan y Cyfarwyddwr Gweithredol, Trawsnewid a Chynllunio Strategol yn nodi Cynllun Llesiant drafft Bwrdd Gwasanaethau Cyhoeddus Sir y Fflint a Wreccsam 2023 – 2028 i'w gymeradwyo. Roedd hwn yn un o dri bwrdd o'r fath yn ardal y Bwrdd Iechyd. 23/66.02 Roedd y Cynllun wedi cael ei ddatblygu i ymateb i'r Asesiadau Llesiant diweddaraf ar gyfer ardal Sir y Fflint a Wreccsam a gynhyrchwyd yn 2022. Mae'n ceisio mynd i'r afael â'r meysydd allweddol sy'n peri'r angen neu'r her fwyaf i gymunedau a lle gall y Bwrdd Gwasanaethau Cyhoeddus wneud y cyfraniad mwyaf tuag at lesiant cymdeithasol, amgylcheddol, diwylliannol ac economaidd, gan ychwanegu gwerth at bartneriaethau presennol a gwasanaethau craidd. 23/66.03 Nodwyd bod tri bwrdd gwasanaethau cyhoeddus yng Ngogledd Cymru ac mae'r Bwrdd yn canolbwyntio ar ddau amcan yn y cynllun sy'n cael eu cymeradwyo fel y rhai cywir. Cafodd y Cynllun ei gymeradwyo a'i gydnabod y bydd yn cael ei gymeradwyo gan y PSB.	
23/67 Diweddarau'r Gofrestr o Glinigwyr Cymeradwy a Meddygon Adran 12(2) 23/67.1 Roedd adroddiad y MD yn rhoi'r wybodaeth ddiweddaraf am y Gofrestr o Glinigwyr Cymeradwy (Cymru Gyfan) a Diweddarau'r Gofrestr o Feddygon Cymeradwy Adran 12(2) ar gyfer Cymru ar gyfer 5 Tachwedd 2022 - 21 Rhagfyr 2022. Nodwyd bod BIPBC yn prosesu ac yn gwella'r rhain ar draws Cymru gyfan. 23/67.2 Cymeradwyodd a chadarnhaodd y Bwrdd y diweddariadau ar gyfer y cyfnod hwn a chytunodd i ddirprwyo'r broses o gymeradwyo Meddygon Adran 12(2) i'r MD i'w cadarnhau'n ôl-weithredol yng nghyfarfod perthnasol y Bwrdd.	
STRATEGAETH A RISG	
23/68 Dull gweithredu ar gyfer Cynllun Blynyddol 2023/24	



23/68.01 Eglurodd y DTSP mai pwrpas yr adroddiad oedd rhoi'r wybodaeth ddiweddaraf am ddatblygiad y Cynllun Blynnyddol ar gyfer 2023/24. Mae'r Bwrdd Iechyd wedi cadarnhau nad yw mewn sefyllfa i gyflwyno Cynllun Tymor Canolig Integredig cytbwys y gellir ei gymeradwyo, ac felly bydd yn cyflwyno Cynllun Blynnyddol ar gyfer Llywodraeth Cymru, gan gadw ffocws tair blynedd ar gynllunio ar gyfer y Bwrdd Iechyd.

23/68.02 Mae Llywodraeth Cymru wedi derbyn cais yn cadarnhau'r angen am amser ychwanegol i gwblhau elfennau allweddol o Gynllun 2023/24, gan gynnwys cynnwys camau gweithredu sy'n ymwneud â Mesurau Arbennig, a chaniatáu i'r Cadeirydd newydd ac Aelodau Annibynnol y Bwrdd osod yr uchelgais a sicrhau y creffir yn briodol ar y Cynllun.

23/68.03 Cadarnhaodd y DTSP y byddai cynllun drafft yn cael ei ddarparu i'r bwrdd ar gyfer gweithdy a gynllunnir ar gyfer mis Ebrill. Nodwyd hefyd bod cynllun drafft gweithredol yn cael ei gyflwyno yr wythnos hon. Cydnabuwyd y dull hwn gan gynrychiolwyr Llywodraeth Cymru.

23/69 Cyllideb 2023/24 a'r Rhaglen Gyfalaf

Cyllideb Gychwynnol 2023/24

23/69.01 Derbyniodd y Bwrdd adroddiad gan yr IDF i ddarparu gwybodaeth am y cynllun ariannol cychwynnol ar gyfer 2023/24.

23/69.02 Mae'r adroddiad yn disgrifio'r adnoddau a ddirprwywyd i'r Bwrdd Iechyd gan Lywodraeth Cymru, ac, ar sail ffurfweddiad presennol y gwasanaeth, yr ymrwymadau disgwyledig yn erbyn yr adnoddau hyn ochr yn ochr â'r arbedion disgwyledig a'r gwelliannau ariannol eraill a fydd yn cael eu cyflawni dros y flwyddyn.

23/69.03 Mae Rheolau Sefydlog y Bwrdd Iechyd yn mynnu bod yn rhaid cymeradwyo cyllideb cyn dechrau blwyddyn ariannol. Roedd yr adroddiad yn cynnig cynllun ariannol cychwynnol ar gyfer 2023/24, gan ei fod yn adlewyrchu sefyllfa ariannol o ddifffyg sylweddol ac felly ni fydd yn dderbyniol i Lywodraeth Cymru ar y ffurf hon.

23/69.04 Tynnodd yr IDF sylw at y canlynol:

- Y diffyg sylfaenol yw £196m. Mae'r Bwrdd Iechyd wedi wynebu nifer o bwysau o ran costau, pwysau chwyddiant ac mae wedi gwneud llawer o fuddsoddiadau sydd wedi cael eu hariannu drwy gyllid nad yw'n gylchol, gan gynnwys cyllid Covid a gofal heb ei drefnu.



- Mae ein hincwm wedi cynyddu tua 1.5% ond mae'r chwyddiant sylfaenol yn dal yn uchel ac mae costau ynni, presgripsiynu gofal sylfaenol, yn enghreifftiau. Mae gennym £22m o gyllid chwyddiant – pwysau cost nad oes modd eu hosgoi yw £58m.
- Rydym wedi nodi arbedion o £18m ac wedi lleihau'r buddsoddiadau a gynlluniwyd, £13m ac ymestyniad o £7m. Un o'n heriau yw mynd yn ôl at hanfodion effeithlonrwydd ac arbedion.

23/69.05 Nododd fod yna benderfyniadau brys ynghylch cyfraddau gofal iechyd parhaus – ond nid oeddem mewn sefyllfa i gyflwyno papur ffurfiol – eisiau gallu gwneud rhai codiadau interim.

23/69.06 Mewn perthynas â chwestiwn gan Aelod Annibynnol, Rhian Watcyn - Jones nodwyd bod materion recriwtio wedi arwain at lithriad. Mewn perthynas â chwestiwn gan yr Aelod Annibynnol, Gareth Williams, nodwyd bod y gwaith ar gyfer canolfannau triniaeth rhanbarthol wedi cael ei ariannu gan refeniw gan fod achos amlinellol strategol ar gyfer cyfalaf wedi bod yn aflwyddiannus. Teimlai ein bod yn gwario gormod o arian ar ddylunio.

23/69.07 Dywedodd y DBSG nad yw ein hanes blaenorol o gyflawni cynlluniau cynilo wedi bod yn dda ac o fewn Mesurau Arbennig – ni allwn adael i'r tîm cyllid fod yn berchnogion – mae angen i hyn fod yn arfer gwaith i'r bwrdd iechyd cyfan.

Cytunwyd i dderbyn yr adroddiad a chymeradwyo'r cynllun ar gyfer y flwyddyn ariannol nesaf a'r camau yr oedd yn eu cynnig a'u dirprwyo i'r DBSG er mwyn gwneud codiadau yn y gyllideb.

23.69.08 Rhaglen Gyfalaf 2023-2028

23.69.09 Cyflwynodd yr IDF yr eitem gan nodi bod y cynllun cyfalaf yn seiliedig ar ein cyfalaf dewisol o £12.7m. Fel cyd-destun, cyfanswm gwerth ein hoffer yw £150m, ein hadeiladau £540m.

23.69.10 Mae'n ofynnol i'r Bwrdd Iechyd gymeradwyo cynllun cyfalaf blynyddol cyn dechrau'r flwyddyn ariannol. Diben yr adroddiad hwn yw cyflwyno er mwyn cefnogi'r rhaglen gyfalaf pum mlynedd ddrafft ar gyfer y cyfnod 2023/24 i 2027/28 ac yn benodol y buddsoddiadau sy'n cael eu blaenoriaethu ar gyfer 2023/24. Mae'r rhaglen gyfalaf wedi cael ei hystyried gan y Pwyllgor PFIG, a argymhellodd y dylai'r Bwrdd Iechyd ei chymeradwyo.

23.69.11 Roedd £4.3m ar gyfer ystadau ac rydym wedi caniatáu ar gyfer llithriad o 12.5%, sy'n rhoi £18m i ni, a dyrannwyd cyllid ar y sail honno.



Cymeradwywyd y rhaglen gyfalaf.	
23/70 Adroddiad Cyllid M11 23/70.1 Derbyniodd y bwrdd adroddiad gan yr IDF yn nodi perfformiad ariannol drafft y Bwrdd Iechyd heb ei archwilio ar gyfer yr un mis ar ddeg rhwng 1 Ebrill 2022 a 28 Chwefror 2023. 23/70.2 Y sefyllfa gronnus am y flwyddyn yw diffyg yn erbyn cynllun o £8.2m, (0.42% o'r dyraniad). Mae'r Bwrdd Iechyd yn rhagweld sefyllfa o fantoli'r gyllideb erbyn diwedd y flwyddyn ariannol. Mae hyn oherwydd derbyn cyllid ychwanegol o £4.3m ar gyfer Cymorth Rhyddhau COVID, £1.7m ar gyfer Ffioedd Dosbarthu ac £1.7m o ddyraniad cyllid Gwyliau Banc Angladd y Frenhines i dalu am gostau ôl-weithredol. Ar ben hynny, mae'r sefyllfa rhagolygon alldro a fantolwyd hefyd yn seiliedig ar gadw llithriad o £4.7m yn erbyn cyllid cynaliadwyedd, £1.2m yn erbyn cyllid Gofal Iechyd Seiliedig ar Werth a £0.4m o warged ar gostau COVID. 23/7.3 Mae'r arbedion a gyflawnwyd yn yr un mis ar ddeg hyd at fis Chwefror 2023 yn £25.9m yn erbyn cynllun o £21.6m a chyfanswm targed o £27.1m. Y rhagolwg arbedion yw £27.1m, sydd £7.9m yn is na'r targed o £35m ar gyfer y flwyddyn. O'r £27.1m a ragwelwyd, nid yw £15.9m yn gylchol. 23/70.4 Mae'r rhagolwg wedi newid o ddiffyg o £10m i fantoli'r gyllideb oherwydd llithriad. Mae Llywodraeth Cymru wedi darparu mwy o gyllid ac wedi galluogi'r Bwrdd Iechyd i gadw llithriant. Mae gennym fwy o incwm, sy'n gwella'r sefyllfa. Ar y sail hon byddwn yn cyflawni ein dyletswydd ariannol tair blynedd. Fe wnaeth y Bwrdd nodi'r adroddiad.	
23/71 Achos Amlinellol Strategol – Cartref Gofal Preswyl a Nyrsio ym Mhenyberth, Penrhos, Partneriaeth Sector Cyhoeddus yng Ngwynedd 23/71.01 Derbyniodd y Bwrdd yr adroddiad gan yr IDF. 23/71.02 Mae'r Achos Amlinellol Strategol wedi cael ei ddatblygu a'i arwain gan Gyngor Gwynedd mewn partneriaeth agos â'r Bwrdd Iechyd i fynd i'r afael â'r farchnad darparwyr gofal bregus bresennol yn ardal ehangach Pwllheli / Llŷn drwy fodel partneriaeth sector cyhoeddus arloesol a mwy cynaliadwy o ran darparu lleoliadau gofal nyrsio. Byddai'r cynllun yn darparu cartref gofal newydd gyda 57 gwely yn cael ei arwain a'i redeg gan Gyngor Gwynedd, gyda staff nyrsio yn cael ei ddarparu gan y Bwrdd Iechyd. Roedd hwn yn fodel newydd yng Nghymru. Ac mae risgiau ynghylch a fyddai'n fodel hyfyw. Byddai'r achos busnes amlinellol yn	

profi'r ffactorau hyn ymhellach, gan gynnwys drwy ddysgu o gynlluniau tebyg y tu allan i Gymru. 23/71.03 Nodwyd bod y IHC y Gorllewin yn trafod gyda'r cyngor os oes meysydd eraill y gellir eu haddasu. Yn ardal Ddwyreiniol y Bwrdd Iechyd, maent wedi ehangu ar y rhaglen Cartref yn Gyntaf, sydd wedi lleihau'r galw am leoedd mewn cartrefi gofal. Cymeradwyodd y Bwrdd yr achos amlinellol strategol.	
23/72 Cais am Gyllid Cyfalaf ar gyfer Canolfan Atgyfeirio Ymosodiadau Rhywiol (SARC) Amethyst, Bae Colwyn 23/72.01 Derbyniodd y Bwrdd yr adroddiad gan yr IDF yn gofyn i Lywodraeth Cymru wneud buddsoddiad cyfalaf o £619,000 i ganiatáu i Ganolfan Atgyfeirio Ymosodiadau Rhywiol Amethyst ym Mae Colwyn gyrraedd safon achrediad ISO erbyn mis Hydref 2023. Gofynnwyd i'r Bwrdd Iechyd gymeradwyo'r cais am gyllid cyfalaf i'w gyflwyno. Cymeradwyodd y Bwrdd y bid cyfalaf.	
LLYWODRAETHU	
23/73 Adroddiadau Pwyllgorau'r Bwrdd 22.73.01 Derbyniodd y Bwrdd adroddiadau pwyllgorau fel a ganlyn: QSE 20 Ionawr a gyflwynwyd gan y Dirprwy Gyfarwyddwr Gweithredol Nyrso MHCCC 9 Chwefror a gyflwynwyd gan Gyfarwyddwr Gweithredol Iechyd y Cyhoedd PFIG 18 Ionawr a 22 Chwefror a gyflwynwyd gan y Cyfarwyddwr Cyllid Gweithredol Dros Dro Grŵp Llywio TI 22 Chwefror a 6 Mawrth a gyflwynwyd gan y Cyfarwyddwr Meddygol Gweithredol	
MATERION I GLOI	
23/74 Eitemau i'w Cyfeirio at Bwyllgorau Nid oedd dim i'w nodi.	
23/75 Adolygu'r Risgiau y Tynnwyd Sylw atynt yng Nghyfarfod y Bwrdd	



Cynnal momentwm ar ymyriadau wedi'u targedu wrth i ni symud i Fesurau Arbennig – alinio â'r Gofrestr Risgiau Corfforaethol Cynllun Ariannol – alinio â'r Gofrestr Risg Gorfforaethol a'r Fframwaith Sicrwydd Busnes	
23/76 Crynodeb o Fusnes Preifat y Bwrdd - 26 Ionawr 2023 23/76.1 Ystyriodd y Bwrdd Iechyd y materion canlynol mewn sesiwn breifat ar 26 Ionawr 2023: Cofrestr Risg (Risg Seiber) Cynllun Gofal Cartref Cyngor Sir Ynys Môn Adroddiad Sicrwydd y Cadeirydd gan y Pwyllgor Taliadau a Thelerau Gwasanaeth – 22 Rhagfyr 2022 Canolfan Lleu – Achos Busnes Amlinellol Strategol Plas Gorau – dyfarnu contract Penderfynwyd y dylid nodi'r adroddiad.	
23/77 Dyddiad y Cyfarfod Nesaf - 25 Mai 2023	
23/78 Cwestiynau gan y Cyhoedd Derbyniwyd nifer o gwestiynau gan y cyhoedd cyn cyfarfod y Bwrdd. Roedd un holwr yn bresennol a chyflwynwyd ac ymatebwyd i'w gwestiwn. Byddai manylion y cwestiynau'n cael eu hatodi i'r cofnodion.	
23/79 Eithrio'r Wasg a'r Cyhoedd Penderfyniad i Eithrio'r Wasg a'r Cyhoedd - "Bod cynrychiolwyr y wasg ac aelodau eraill o'r cyhoedd yn cael eu heithrio o weddill y cyfarfod hwn o gofio natur gyfrinachol y busnes sydd i'w drafod, ac y byddai cyhoeddusrwydd yn niweidiol i fudd y cyhoedd yn unol ag Adran 1(2) o Ddeddf Cyrff Cyhoeddus (Derbyn i Gyfarfodydd) 1960."	